



Politička organizacija građana "Naša stranka"
Branilaca Sarajeva 5/1, 71 000 Sarajevo
Telefon: 033 408 888; Fax: 033 408 881
E-mail: nasastranka@nasastranka.ba
Web: www.nasastranka.ba

Broj: 01/19

Sarajevo, _____

Skupština Kantona Sarajevo

Zastupnik/ca:

Klub Naše stranke

**BOSNA I HERCEGOVINA
FEDERACIJA BOSNA I HERCEGOVINA
KANTON SARAJEVO
SKUPŠTINA KANTONA SARAJEVO
VLADA KANTONA SARAJEVO
MINISTARSTVO PROSTORONOG UREĐENJA, GRAĐENJA I ZAŠTITE OKOLIŠA KANTONA
SARAJEVO
MINISTARSTVO KULTURE I SPORTA KANTONA SARAJEVO
MINISTARSTVO PRIVREDE KANTONA SARAJEVO
MINISTARSTVO FINANSIJA KANTONA SARAJEVO
n/r predsjedavajućeg Dino Konaković**

PREDMET: INICIJATIVA

Poštovani,

Na osnovu člana 106. Poslovnika Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12):

1. Upućujem inicijativu da se olimpijski objekat BOB staza prepozna kao objekat od važnosti za razvoj Kantona Sarajevo sa svim svojim sportskim, rekreacijskim, turističkim i ekonomskim potencijalima te promotivnim značajem za Kanton Sarajevo. Skupština Kantona Sarajevo treba donese odluku o utvrđivanju javnog značaja za realizaciju Projekta "Rekonstrukcije i modernizacije borilišta Bob i sankaske staze sa pratećim objektima" na Trebeviću;
2. Da Skupština kantona zaduži Ministarstvo Privrede KS da zajedno sa ZOI 84 izvrši hitno uplanjenje objekta u katastar i upis vlasništva u ZK uredu Općinskog suda u Sarajevu u skladu s upotrebnim dozvolama

O B R A Z L O Ž E N J E

Bob, sanjkaška i skeleton staza Trebević u Sarajevu najjužnija je od samo šesnaest takvih staza u svijetu. Radi se o jedinom objektu takve namjene napravljenim iz tri dijela, koji po potrebi mogu da budu neovisne staze. Ova staza, bez obzira da li se koristila za takmičenja u vožni boba, sanjki ili skeletona, najbrža je i najsigurnija na svijetu. Također, radi se o objektu koji je iskoristiv cijele godine, a period od Olimpijskih igara do početka rata pokazao je da se radi o objektu koji je ekonomski samoordživ. U navedenom periodu staza je bila domaćin za četiri do pet takmičenja u gore navedenim disciplinama, što dovoljno govori o njenoj upotrebnoj vrijednosti.

Ova staza je i u periodu u kojem se ne koristi postala jednim od simbola Sarajeva i okoline. Danas predstavlja jednu od najčešće posjećivanih turističkih destinacija u Bosni i Hercegovini.

Potrebno je da Odluku o važnosti olimpijskog objekta BOB i sankaska staza Trebević pripremi Vlada KS te uputi na skupštinsku proceduru. Odluku usvaja Skupština Kantona Sarajevo.

Vezano za uplanjenje objekta Vlada Kantona Sarajevo treba da zaduži KJP „ZOI 84“ (kao pravnog sljedbenika RO „Olimpijada '84“) da uputi zahtjev prema Službi za imovinsko-pravne, geodetske poslove i katastar i stambene poslove Općine Stari Grad Sarajevo, kako bi se na osnovu izdatih urbanističkih, građevinskih i upotrebnih dozvola za bob i sankasku stazu i prateće objekte izvršilo uplanjenje svih objekata u navedenim dozvolama na Nosioca izdatih dozvola, tj. KJP „ZOI 84“ iz Sarajeva, kao pravnog sljedbenika RO „Olimpijada '84“ u skladu sa važećom legislativom (Služba za imovinsko-pravne, geodetske poslove i katastar i stambene poslove općine Stari grad: Obrazac za cijepanje parcela i Obrazac za rješavanje imovinsko-pravnih odnosa).

(U tom smislu Služba za imovinsko-pravne, geodetske poslove i katastar i stambene poslove Općine Stari Grad Sarajevo treba da izvrši uviđaj na terenu radi rekognisciranja i ubiciranja objekata i sadržaja navedenih u saglasnostima, kako bi se moglo izvršiti cijepanje i izdvajanje zasebnih katastarskih čestica na kojima se nalaze sadržaji borilišta za bob i sankanje);

Zahtjev za uplanjenje podnosi KJP „ZOI 84“ (kao pravni sljedbenik RO „Olimpijada '84“) a prema uputama Zavoda za planiranje razvoja Kantona Sarajevo u smislu pozicioniranja staze i pratećih objekata i sadržaja što će biti prikazano propratnim situacionim grafičkim prilogom.

S poštovanjem,

Zastupnik/ca u Skupštini Kantona Sarajevo